

區諾軒不做「大黨小鴿」 密謀做激進「小派大佬」



香港文匯報訊（記者 鄭治祖）一直與激進「本土派」同一鼻孔出氣的民主黨南區區議員區諾軒，突於昨日凌晨在fb發帖，宣佈退出民主黨。佢喺帖中聲稱「一個人如果因為情誼而蒙蔽對政治的執着，安穩過活，這個人在政治而言是死的」，「要實踐政治信念而無罪外（礙），『團結不同光譜』的人，我不得不思考離開」。

身為「民陣」召集人的區諾軒，在前晚改選中並無競逐連任，更於凌晨在fb發帖宣佈自己退出民主黨。佢雖然話「民主黨是我實踐政治理念的搖籃」，仲話睇到民主黨人「對恩與義的重視」，加上「知遇之恩」，「即使立場不盡相同，亦身處多年。」

不過，他隨即引用馬丁·路德金之言，稱：「一個人如果因為情誼而蒙蔽對政治的執着，安穩過活，這個人政治而言是死的。……時代越走越惡，抗爭者已身陷囹圄，我深深明白自己當下應該發揮的崗位是什麼，我願把自身經驗成為『重建進步路線』的力量。」

擬瞄準補選欲執死雞

講到明要「重建進步力量」嗎。有民主黨中人向香港文匯報透露，區諾軒和分屬激進反對派的社民連副主席黃浩銘、「香港眾志」主席羅冠聰及秘書長黃之鋒等相當「老友」，但這些激進派頭頭在補選前夕全部坐晒監，不排除區諾軒想由「大池塘的小青蛙」，轉做「小池塘的大青蛙」，趁這些小黨派「群龍無首」之時，來做「領軍人」，過一過大佬癮。

該民主黨中人指，區諾軒與同為



區諾軒昨日凌晨突於fb發帖，宣佈退出民主黨。 fb截圖

愛見縫插針擺着數

「而我不知道區諾軒是誰？」要知道呢位仁兄係咩人，其實唔難，只要查吓互聯網，就知道佢一直係個見縫插針，又要理白鴿擺着數，又要同「獨派」把酒言歡，又要溝通不同光譜，但係同「獨派」溝到好通，成日批評民主黨同中央溝通嘅人。

騎劫港視遊行博樽籌款

區諾軒第一次「響聚」，乃係佢仲係激進團體「左翼21」成員之時。當時，各反對派團體抗議政府唔發牌界王維基搵旗嘅香港電視網絡，搞咗個大遊行。「左翼21」騎劫集會，搞到大家好無趣，區諾軒更被揭發在未經同意下，私自用香港電視網絡員工的名義籌款。

香港電視網絡職工會即時表明並無發起或同意有關的籌款安排，「左翼21」也同區諾軒劃席，話該組織沒有介入有關活動的「任何運作，包括籌款」。

區諾軒被踢爆後才死死氣地話會將捐款捐予樂施會。咁如果有人踢爆，呢筆錢會去咗邊？咁就真係唔知啦！

他其後加入民主黨，更多次對該黨與中央溝通時大唱反調。如2015年8月，民主黨高層與國務院港澳辦副主任馮巍會面，區諾軒就聲稱「十分失望」，又形容是「不適當時候，做不適當的事」。

不過，對與中央溝通抗拒，佢同「港獨」分子就溝得好通。區諾軒被揭與曾經攻擊民主黨的激進「本土派」梁金成等人食飯飲酒，被人利用醜化「民陣」及民主黨，是政治低能、無知無能。事件一度引起網絡罵戰，其後漸歸沉寂。

「通敵」與「獨派」老友

其實，區諾軒見民主黨咁多「大佬」阻住佢上，點會唔想埋激進擺着數，尤其是「熱普城」在立法會選舉後反晒面，大把機會啦！今年佢就寧願去「狗主」黃毓民網台「MyRadio」（賣台）的台慶，仲同狗主、「獨」派馮錦沙區區議員陳國強、搞「光復」嘅梁金成等大合照，而唔出席當晚「雙學三丑」被改判監禁，各反對派頭頭都去荔枝角收押所「聲援」嘅活動。

工黨成員郭紹傑當時發難批評，其他反對派支持者也紛紛聲討佢同鼓吹暴力及族群仇恨嘅人咁友好，係想「食四方飯」。區諾軒當時就展現其深厚嘅「民主素養」，寸寸責地回應質疑，金句包括「我好清楚自己做咩，認同咪認同，唔認同咪算。」「贈你兩個字：慳啲。」「廢話。」講唔過人，佢就話俾人狙擊，話人唔理解佢又要拎把刀迫佢跪玻璃咁話。

區諾軒到底係咩人呢？都唔使畫公仔畫出腸啦喇！

香港文匯報記者 羅旦

網民多指看風使舵

Thomas Leung：點解要選後才離開民主黨？過橋抽板？會辭任區議會議席嗎？……點解一年前唔退？參選時唔退？

Siu Fu Moon：以後個個加入完民主黨撈到咁上下再走果（囑）陣都會依然好有光環啲下（吓）話？

Leung Hing：我對民主黨都有好感，但係你如果用咗黨嘅資源去選區議員，就應該區議員都唔好做。

On On Leung：你估真係講立場？理想？只為（係）睇到無市場，所以就退出囉！

Chi Bun Wat：個人意見認為在黨內沒有多大機會參加港島補選。是與否？遲一些就會知！

Julia Au-Yeung：食住呢條水，埋過另一堆啦。而（啱）家唔興扮文青，埋下（吓）「勇武」果（囑）班，搵到食。

Alvin Chu King Long：乜「呢錢低能賤格死左膠」出面咁有market（市場）啲咩？

Connie Chan：白鴿黨可能又有陰謀，因為快將補選，又想玩手段！

Leung Sheung Kit：民主黨就好啦，少咁個豬隊友。

邵智恒：區諾軒退黨，意味著（着）少裝（壯）派完全死亡，內部改革民主黨已經不再可能。

Wan Wan：民主黨有（由）高腳（林卓廷）話事，係黨員都退啦！林灼後庭，民主黨未來主席，你上台就亡黨，好呀！

資源來源：fb留言
整理：香港文匯報記者 羅旦

羅三七「被姦」反對派要拉惡搞者

網議政事 YouTube近日流傳一段短片，將「雙學三丑」被法院改判監禁時舉行的記者會，惡搞為「羅冠聰（羅三七）在監獄被黑人雞姦！」其他反對派當然出嚟譴責啦，仲話此舉涉嫌觸犯「不誠實使用電腦罪」。不過，「熱狗」前頭目狗達（黃洋達）就批評，其他反對派經常惡搞特區政府官員，「改到狼又有狗又有」，「你話觸犯『不誠實使用電腦罪』……即係你地（她）認同，惡搞片係應該要用『不誠實使用電腦罪』拉×曬（晒）？咁成班『黃絲』網民拉曬（晒）啦！」

網傳二創片 哭訴後庭不保

該段短片標明為「二次創作」，其中有一把男聲模仿羅冠聰在記者會上發言，更哭訴自己在獄中浴室洗澡時「被黑人雞姦」，又稱害怕患上愛滋病等等。曾將教育大學冷血標語美化為「言論自由」的民主黨立法會議員許智峯，此時就聲稱擔心香港的言論自由被濫用，或會影響社會風氣，縱容一些人繼續漠視法紀，要求嚴懲有關人等。

狗達就在fb引用了有關報道，狠批道：「『黃絲』『泛民』真係懶×線嘅，你點

樣惡搞開人都得，梁振英林鄭嘅惡搞歌惡搞片惡搞圖，大家都開心share，改到狼又有狗又有，改成垃圾桶都有。……好嘅，政敵配音改片，你話人低俗話可恥都好，你話觸犯『不誠實使用電腦罪』？民主派議員呼籲執法嚴懲？即係你地（她）認同，惡搞片係應該要用『不誠實使用電腦罪』拉×曬（晒）？咁成班『黃絲』網民拉曬（晒）啦！」

網民：雙重標準 只問立場

他又提到在立法會審議版權修訂條例時，傳統反對派就話修訂係「網絡廿三條」，聲稱要捍衛「二次創作」的權利，又搞集會又拉布，「明明成班之前仲話『不誠實使用電腦罪』係惡法！即係咁你用就良法，拉你就惡法！如果有個官求其講左（咗）句野（嘢）23條會入到佢，你仲唔支持23條立法？其實係咪真係曲線爭



短片中有一把男聲模仿羅冠聰，在記者會上哭訴自己在獄中「被黑人雞姦」。 視頻截圖

取23條立法？……呢班人話同你爭取公義，你唔驚？」

不少「熱狗」紛紛附和。「林方」指出，「『泛民』『黃絲』低B，惡搞羅冠聰坐監被雞姦最多只係民事誹謗，不涉及刑事，如果惡搞係刑事，咁『泛民』『黃絲』日日網上惡搞『689』、林鄭、建制派人仕（士）咪係刑事罪行。」「Adrian Ip」揶揄道：「佢地嘅思維其實係『只許民主創作 不許建制惡搞』。」「Flyson Liu」說：「對你有好處嘅就係公義，對你有好處嘅就係惡法。」

「熱狗」竟然都口生象牙，唔知大家點睇呢？

香港文匯報記者 羅旦

民記紅館騷 元老放笑彈

特稿 民建聯將於周日（24日）在紅館舉行25周年會慶匯演，並於近日不斷在facebook發佈多條綵排片段。昨日發佈的片段預告，民建聯「四大元老」曾鈺成、譚耀宗、葉國謙及陳鑑林將會搞棟篤笑，諷刺反對派笑料一籬籬，話題性十足。

在預告片中，4人正在綵排當日節目「四個小生棟篤笑」。曾鈺成就笑話：「有個肥仔啲油麻地被『大陸公安』捉咗，似乎係講緊白鴿黨的『釘書機』事件；鏡頭一轉，就到陳鑑林講『你係咪真係想學AV，嗰個何（俊仁）』；譚耀宗接着講：『我哋不如整番（返）個自拍』，好似係揶揄緊Cheap



視頻截圖

祺（游惠祺）自拍咁嘍，又笑他們在香港已「無得撈」。

香港文匯報記者 鄭治祖



「青症雙邪」當選後領取立法會議員薪酬，更預支相關津貼到盡，用公帑租豪宅兼花天酒地，但被DQ後就一直唔肯回水。近日，有市民就嗰條頭見到叫「雙邪」回水嘅橫額，唔能夠俾兩個走數咁話嗎！

范國威食相難看 梁國雄作法自斃

郭中行 資深評論員

廿四味 距離立法會4個議席補選的投票日雖然還有半年，但反對派各政黨組織早已磨拳擦掌，有意參選者紛紛擺出一副志在必得，捨我其誰的姿態，原因很簡單，反對派要就這次補選進行協調極為困難，僧多粥少之下要協調出反對派「眾望所歸」的人選已等於是「不可能的任務」。這樣，與其等反對派的內部協調，將命運交託給鄭宇碩之流，不如提早表態參選拉抬聲勢，積聚民望，搶佔先機。所以，馮檢基、范國威以至梁國雄、劉小麗近

日已經積極備戰，目的就是要「先入關中者為王」。

本來，反對派在九西及新東最有可能出選的是馮檢基和范國威，但梁國雄、劉小麗在堅持提出無意義的司法覆核，最終「成功」令補選分開進行之後，突然一個回馬槍，表示有意參與第一輪補選，他們可以一邊上訴一邊參選云云。由於反對派早已定下所謂「DQ者優先」原則，令兩人大有機會代表反對派參與首輪補選。對此，范國威隨即怒火中燒，在接受網媒訪問時，直指「優先權」只限被DQ議員的原有議席，若「長

毛」、劉小麗參與首輪補選，容易引起爭議，因為他們一邊上訴、一邊參選，會被質疑是否嚴肅對待司法程序，而且一旦上訴勝訴並贏出補選，將引發另一輪補選。言下之意，就是兩人應該等待下一次補選才參加，不要壞了大事。

范國威的過激反應，引起不少反對派人士非議，原因是他的食相太過難看，雖然誰都知道，范國威發夢都想重返議會，但如此赤裸裸的要求劉小麗、梁國雄不要參選，有虧政治倫理，反映其人格的卑下。至於與他牙齒印甚深的民主黨及社民連，自然乘機批評

范國威言論「自私」。

范國威這次炮轟「長毛」，不過是打響了反對派的補選之爭。反對派在新東向來佔有優勢，誰人出選勝算機會都不小，范國威自然希望能夠披掛上陣，再加上他自恃上屆只差一點就能當選，論情論理都是非他莫屬。但如果「長毛」堅持要參選，反對派必定會改為支持他，范國威單憑自己實力當然可以一戰，但勝算難料，於是才要借上訴問題攻擊「長毛」，要求他放棄參選。說穿了，就是利益先行，同路人都無情講。

不過，「長毛」其實也是作法自斃。他當然希望愈早參與補選愈好：一是政治一日已經太長，愈遲補選形勢難料，加上其聲勢近年江河日下，再拖下去更難翻身。二是下一次補選不知等到何時，但社民連一直靠「長毛」的新津支撐，而「長毛」自己也有不少

使費，愈早重返議會，就能邊住公屋邊領取近10萬元的薪津，關係自身利益，自然不想繼續等下去。所以，他和劉小麗才要爭取首輪參選。

然而，他為了令補選分開進行，堅持申請法律援助提出上訴，現在難得償所願，但由於他有上訴在身，本身的官司並未完結，按法律規定，確實沒有參選的資格。他既想上訴又想立即補選只是他一廂情願。最終變相便宜了范國威，可說是機關算盡，卻人算不如天算。當然，范國威也不要以為自己已經坐定粒六，首先是與他反目成仇的「恩師」鄭家富，會否繼續狙擊了斷彼此恩怨？而其他反對派政黨也可能會派人參選，一為議席二為練兵。始終機會難得，為什麼要便宜范國威？反對派的內鬥，現在才開始。